



Broj: 02-40-1/19
Datum: 7.1.2019. god.

PREDMET: Javni poziv za prikupljanje muzejske građe iz perioda 1992- 1995

Poštovani sugrađani,

JU Muzej Tešanj od svoga osnivanja konstantno radi na prikupljanju muzejske građe i obogaćivanju ukupnog fundusa Muzeja. Rezultat ovih aktivnosti jeste činjenica da Muzej ima nekoliko zbirki dostupnih široj javnosti. Između ostalog, našim gostima i javnosti je dostupan veći dio *etnološke zbirke* izložene u Eminagića konaku, te dijelovi *historijske, arheološke i numizmatičke zbirke* izloženi u kulama na Starom gradu - Gradini.

Posebna pažnja je usmjerena na muzejsku građu iz perioda 1992 -1995. godina. Dio ove građe izložen je u stalnoj postavci posvećenoj agresiji i ratu, Spomen soba „*Zaborav je najveći neprijatelj*“. Spomen soba se nalazi u zgradi boračkih organizacija na Tepetu, a pomoću izložbenih panoa, fotografija i predmeta prikazana su ratna dešavanja i život na tešanjskom kraju tokom agresije.

S obzirom da je period agresije još uvijek u žiži interesa domaćih i stranih medija, političkih i drugih organizacija, omladine, ali i velikog broja živih sudionika u ratnim dešavanjima, odlučili smo da novim pozivom za prikupljanje muzejske građe učinimo dodatne napore da sačuvamo istinu o stvarnim dešavanjima tokom perioda 1992 -1995, i da na taj način spriječimo izmjenu karaktera rata i izjednačavanje žrtve i agresora.

Dosadašnji pozivi za prikupljanje građe dali su određene rezultate, ali znajući da se u privatnim arhivima i „seharama“ nalazi još mnoštvo originalnih i autentičnih dokumenata i trodimenzionalnih predmeta odlučili smo da ponovimo javni poziv za prikupljanje građe iz navedenog perioda. Ovim pozivom obuhvaćena je sljedeća građa i materijal:

- **trodimenzionalni predmeti** –potencijalne muzealije (oružje i oruđe ili ostaci i dijelovi istog, uniforme, odjeća i obuća, konzervirana hrana, cigarete i čibuci, lični predmeti boraca i civila, zatim zastave, amblemi i priznanja, improvizirani patentni, ratni plijen i sl.)

- **dokumenti, dnevници, ratne bilješke, novinski članci i fotografije** (poželjno u originalima, ali prihvatljivo i u formi kopija ili u elektronskim oblicima)

- **ostala građa i video materijal koji upućuje na dešavanja na tešanjskom kraju i Bosni i Hercegovini tokom perioda 1992 -1995. godine** (misli se na sav potencijalni muzejski materijal iz oblasti vojnog života, ratne privrede, zdravstva, školstva, kulture, humanitarnog rada, sporta, privatnog i vjerskog života...)

Molimo sve naše sugrađane koji u svom posjedu imaju bilo koju vrstu ili oblik potencijalne muzejske građe iz perioda 1992 -1995 da se odazovu ovom pozivu i da istu doniraju Muzeju. Muzej Tešanj će dio ponuđenog materijala i otkupiti jer su za ovu namjenu planirana i određena novčana sredstva. Otkupiće se originalan i autentičan materijal i građa za koju se procijeni da ima stvaran potencijal da postane muzejska građa i dio muzejske arhive.

NAPOMENA: Poželjno je da ponuđena građa, potencijalni muzejski eksponati i arhivski dokumenti budu originalni i autentični, ali na uvid će se primati i građa u elektronskim oblicima (digitalne fotografije i skenirani dokumenti).

Za dodatna pitanja i informacije obratite nam se putem telefona na broj 032 655 770, na email: muzejt@bih.net.ba ili nas potražite na adresi: Muzej Tešanj, ul.Kralja Tvrtka br.1, Tešanj (Zgrada Doma kulture – CKO Tešanj)

DIREKTOR MUZEJA

Ernad Prnjavorac